



## **Boletin number 2**

### **Fechanan importante den e simannan binidero:**

12 t/k 16 di òktober 2020	Fakansi di Regatta
19 di òktober 2020	Dia di estudio pa personal (tur alumno ta liber)

### **Relato di konsulta konstruktivo entre skolnan i OLB tokante COVID-19**

*Riba 22 di sèptèmber, riba inisiativa di Entidat Públiko Boneiru (OLB), a tuma lugá un konsulta entre tur e skolnan di edukashon primaria, sekundario i vokashonal. Sylvana Janga-Serfilia (Direktorado di Komunitat i Kuido), Marian Luinstra –Passchier (Departamento di Salubridat Públiko) i Anouk Hansen (EOZ) a deliberá importansia di e medidanan di COVID-19 pa i ku e skolnan.*

*Entidat públiko ta komprondé e preokupashon entre e mayornan i personal. A papia ku otro tokante e impaktó di e desishon pa mantené skolnan habrí. Gezaghèber a tuma e desishon aki, mirando e investigashonnan ku mucha no ta transmití kontagio di COVID-19 rapidamente, i si nan ta infektá, masha poko nan ta bira malu. Te ainda ta parse tambe ku apenas tin kontagio na skolnan. Si e muchanan ta kontagiá i a transmiti'è na otro, hopi biaha esaki ta sosodé pafó di skol kaminda tin muchu mas kontakto ku na skol.*

*Temanan di diskushon tabata entre otro kon regulá e fluho di mayor i muchanan na un manera adekuá ora ta drenta i sali skol, kon pa mantené mas distansia posibel i kon pa intensivá e medidanan di higiena. Skolnan por kompartí kon nan ta hasi esaki i siña for di otro su eksperensia.*

*Tur presente a kompartí nan preokupashon tokante mayornan ku ta mantené e muchanan na kas. Ta komprendibel ku mayornan ta preokupá i kier protegá nan yunan. Sinembargo, no ta nesesario. Masha poko mucha ta bira malu i masha poko ta kontagiá otro na skol. Ta hopi importante pa mucha bai skol. E kontagionan na Boneiru ta tuma lugá mas tantu entre personanan ku ta laborá. Departamento di Edukashon ta sigui apliká lei di edukashon obligatorio. Esaki ta nifiká den kaso di ousensia no outorisá, e ofisial lo atvertí e mayornan.*

*Tambe a deliberá tokante e lèsnan di gimnasio na skol. Muchanan bou di 18 aña no mester mantené distansia di 1.5 meter i por sigui praktiká deporte, tantu paden komo pafó. Pues, e lèsnan di gimnasio na skol ta kontinuá. Te ainda ta pèrmití deporte di kontakto den airu liber. (Teksto tumá for di e wèBSITE di OLB: <https://www.bonairecrisis.com/>)*



### **Hunta di Partisipashon / Medezeggenschapsraad (MR) i vakatura pa miembro di MR**

*E hunta di partisipashon (MR) ta un órgano ku ta sali na defensa i ta duna konseho relashoná ku interesnan di skol, e alumnonan, e mayornan i e maestronan. E MR denter di nos skol ta hasi esfuerso pa duna un kontribushon aktivo na e maneho di skol pa medio di un bon komunikashon i un bista kítiko.*

*E MR ta konsistí di 6 miembro, 3 maestro (eskohí for di e sekshon di personal) i 3 mayor (eskohí for di e sekshon di mayornan). E MR ta reuní en todo kaso 5x pa aña. E meta ta pa tene un reunion konhuntamente ku e Hunta di Supervishon (Raad van Toezicht) 1x pa aña. Tur maestro i tur mayor / tutor por aserká e sekretaria di MR ku e petishon pa pone un tópiko of proposishon komo punto di agènda pa deliberá riba dje.*

*Den kaso ku mayor tin pregunta òf opservashon tokante e maneho di skol, por kòmbersá tokante di esaki ku un di e miembronan di MR, òf por manda un meil na:*

[mr@bsdepelikaan.com](mailto:mr@bsdepelikaan.com) .

*E miembronan aktual di MR ta:*

*Karen Blaauw: Presidente (maestra)*

*Gijsbert Ruitenbeek: Sekretario (mayor)*

*Marijke Simmons: Vise-presidente (maestra)*

*Dailisa Ernestina-Ignacio: Miembro (maestra)*

*Patricia Gerritzen-Veen: Miembro (mayor)*

*Vakatura: Miembro (mayor)*

*Na final di aña eskolar pasá, Janto Djamin a bandoná MR i a habri un vakatura. Pues nos ta en buska di un mayor ku lo tin interes pa kòmbersá/ pensa huntu tokante e maneho di skol. Bo yu lo mester ta alumno di nos skol pa por lo ménos 1 siguiente aña eskolar mas, pa por inskribí pa e puesto. Den kaso ku mayor ta deseá di haña mas informashon òf mayor ke inskribí mesora, por hasi uso di e adrès elektróniko indiká aki riba. Por reashoná te ku djabièrne dia 9 di òktober 2020.*

### **Bukinan di Biblioteka públiko**

*Den kaso ku mayor por tin bukinan di Biblioteka públiko na kas, tin e posibilidat pa entregá tur buki ku ta serka bo(so) na kas i ta propiedat di Biblioteka públiko grátis te ku dia 31 di òktober 2020. (basta ku ta habrí)*

*Un saludo kordial,*

*Gerald Kolenbrander*

*Direktor di bs de Pelikaan*